

Broj: 01-02.1- 9151 -29/24-IO

Datum: 28. 03.2025. godine

Na osnovu člana 70. stav 3. Zakona o javnim nabavkama Bosne i Hercegovine ("Službeni glasnik BiH", broj:39/1,59/22 i 50/24), Obavještenja o nabavci broj: 260-1-2-272-3-413/24 od 25.10.2024. godine i člana 230. stava 2. Zakona o upravnom postupku („Službeni glasnik Bosne i Hercegovine“ broj: 29/02,12/04,88/07,93/09, 41/13 i 53/16) u otvorenom postupku javne nabavke usluga: **“Izrada Studija izvodljivosti za projekte:1. Izgradnja ceste Bihać - Bosanska Krupa i 2. Rekonstrukcija ceste M17.3 Neum -Stolac, dionica Drenovac-Stolac“**, na preporuku Komisije za provođenje postupka javne nabavke, Uprava JP Cesta Federacije BiH d.o.o. Sarajevo d o n o s i

ODLUKU

I

Najpovoljniji ponuđač u otvorenom postupku javne nabavke usluga: **“Izrada Studija izvodljivosti za projekte: 1. Izgradnja ceste Bihać - Bosanska Krupa i 2. Rekonstrukcija ceste M17.3 Neum - Stolac, dionica Drenovac-Stolac“** je Grupa ponuđača: IPSA INSTITUT d.o.o. Sarajevo (vodeći član) i INSTITUT ZA GRAĐEVINARSTVO IG d.o.o. Banja Luka (član).

II

Izabrani ponuđač iz tačke I ove odluke dostavio je uz ponudu uvjerenja iz člana 45. stav (2) tačka a), b), c) i d) Zakona o javnim nabavkama, te se oslobađa obaveze naknadnog dostavljanja dokaza, u skladu sa kriterijima za učešće iz tenderske dokumentacije.

Po isteku roka za žalbu, ugovorni organ će pozvati odabranog ponuđača na zaključenje ugovora kojim će se regulisati međusobna prava i obaveze vezane za predmetnu nabavku shodno nacrtu ugovora datom u tenderskoj dokumentaciji.

III

Ova odluka će se objaviti na web stranici JP Ceste Federacije BiH d.o.o. Sarajevo, istovremeno sa upućivanjem ponuditeljima koji su učestvovali u postupku javne nabave sukladno članku 70. stavak (6) Zakona o javnim nabavama.

Obrazloženje

Na osnovu Obavještenja o nabavci br. 260-1-2-272-3-413/24 od dana 25.10.2024.godine proveden je otvoreni postupak javne nabavke usluga: **“Izrada Studija izvodljivosti za projekte: 1. Izgradnja ceste Bihać - Bosanska Krupa i 2. Rekonstrukcija ceste M17.3 Neum -Stolac, dionica Drenovac-Stolac“**.

Do utvrđenog roka za dostavljanje ponuda 18.11.2024. godine, dostavljene su 2 (dvije) ponude.

R. Br.	Naziv ponuđača	Cijena ponude bez PDV-a, KM	Ponuđeni popust (% ili KM)	Cijena ponude sa popustom (bez PDV-a), KM	Cijena ponude sa popustom (sa PDV-a), KM
1.	GP: IPSA d.o.o. Sarajevo i INSTITUT ZA GRAĐEVINARSTVO IG d.o.o. Banja Luka	250.000,00	1%	247.500,00	289.575,00
2.	CPK d.o.o. Banja Luka	103.500,00			121.095,00

Komisija je u skladu sa Tenderskom dokumentacijom pregledala ponude sa aspekta kompletnosti i kvalificiranosti, te je upućen zahtjev za pojašnjenje neprimodno niske cijene ponuđaču CPK d.o.o. Banja Luka, obzirom da je ponuda navedenog ponuđača za više od 50% niža od ponude ponuđača GP: IPSA d.o.o. Sarajevo i INSTITUT ZA GRAĐEVINARSTVO IG d.o.o. Banja Luka. CPK d.o.o. Banja Luka je dostavio pojašnjenje broj CPK-PO-3975-12/24 od 16.12.2024. godine, koje je pojašnjenje komisija ocijenila kao prihvatljivo.

Pristigle ponude ostalih ponuđača su kompletne i zadovoljavaju kvalifikacione kriterije, te je Komisija nakon analize ponuda formirala konačnu rang listu:

R. Br.	Naziv ponuđača	Cijena ponude bez PDV-a, KM	Ponuđeni popust (%)	Cijena ponude sa popustom (bez PDV-a), KM	Cijena ponude sa popustom (sa PDV-om), KM
1.	CPK d.o.o. Banja Luka	103.500,00			121.095,00
2.	GP: IPSA d.o.o. Sarajevo i INSTITUT ZA GRAĐEVINARSTVO IG d.o.o. Banja Luka	250.000,00	1%	247.500,00	289.575,00

Na prijedlog Komisije Uprava donosi odluku o dodjeli ugovora broj: 01-02.1-9151-8/24 od 27.12.2024.godine, za javnu nabavku usluga: Izrada Studija izvodljivosti za projekte : 1. Izgradnja ceste Bihać - Bosanska Krupa i 2. Rekonstrukcija ceste M17.3 Neum -Stolac, dionica Drenovac-Stolac, ponuđaču CPK d.o.o. Banja Luka koji je dostavio ponudu s najnižom cijenom u iznosu od 103.500,00 KM bez uračunatog PDV-a, odnosno 121.095,00 KM s PDV-om..

Grupa ponuđača (GP): IPSA d.o.o. Sarajevo i INSTITUT ZA GRAĐEVINARSTVO IG d.o.o. Banja Luka. CPK d.o.o. Banja Luka u zakonskom roku, izjavljuje žalbu broj:22/25 na odluku o dodjeli ugovora broj: 01-02.1-9151-8/24 od 27.12.2024.godine u kojoj Žalitelj navodi da izabrani ponuđač CPK d.o.o. Banja Luka nije dokazao da ispunjava uslove Ekonomske i finansijske sposobnosti iz tačke 13. Tenderske dokumentacije (u daljem tekstu:TD). Žalitelj u žalbi obrazlaže da je tačkom 13.1. TD-e utvrđeno:

U skladu s tačkom 13.1. TD: Što se tiče ekonomske i finansijske sposobnosti, u skladu s članom 47.Zakona, ponuda će biti odbačena ako ponuđač ne ispunji sljedeće minimalne uslove iz člana 47.Zakona a to su:

- da je ukupan promet koji je ponuđač, bilo samostalno ili kao zajedničko poduzetništvo, ostvario na pružanju usluga izrade studijske dokumentacije (Prethodnih studija izvodljivosti/ Studija izvodljivosti) i projektne dokumentacije za izgradnju/rekonstrukciju/rehabilitaciju cesta u vrijednosti većoj od 450.000,00 KM bez PDV-a u zadnje 3 (tri) godine, od čega je minimalno 250.000,00 KM ostvareno na izradi studijske dokumentacije za izgradnju/ rekonstrukciju/ rehabilitaciju cesta.

U skladu s tačkom 13.2. TD: Ocjena ekonomskog i finansijskog stanja ponuđača će se izvršiti na osnovu dostavljene izjave ovjerene od strane ponuđača, koja se dostavlja u formi utvrđenoj Prilogom 5. tenderske dokumentacije:

- izjavu o ukupnom prometu ponuđača (prema prilogu 5a) ostvarenom na pružanju usluga izrade studijske dokumentacije (Prethodnih studija izvodljivosti/ Studija izvodljivosti) i projektne dokumentacije za izgradnju/rekonstrukciju/rehabilitaciju cesta u posljednje 3 (tri) finansijske godine za koje se raspolaze podacima, ili od datuma registracije, odnosno početka poslovanja u predmetnom segmentu, ako je ponuđač registrovan, odnosno počeo s radom prije manje od tri godine. Izjava ovjerena od strane nadležnog organa (Prilog 5a) treba da sadrži i detaljne informacije (tačka 2. Izjave) o ugovorima kojim se dokazuje traženi ukupan promet.

Komisija je u vezi navedenih žalbenih navoda, izvršila ponovni pregled i ocjenu ponuda, te je ustanovljeno da je na str. 39 ponude CPK d.o.o. Banja Luka (izabrani ponuđač iz osporene odluke broj: 01-02.1-9151-8/24 od 27.12.2024.godine) dostavljen Prilog 5a koji u tački 2. sadrži detaljne informacije o svim projektima/ugovorima kojima se dokazuje traženi ukupni promet iz tačke 13.1. TD, te je utvrđeno da su navedena dva projekta: Projekt autoputa Brčko-Bijeljina, Republika Srpska u okviru kojeg je izrađena Studija izvodljivosti/ekonomske opravdanosti izgradnje autoputa dužine 17.794 km vrijednosti 372.060,00 KM sa PDV-om i Izrada studije ekonomske opravdanosti za izgradnju nove trase magistralnog puta M-20 Gacko-Foča, poddionica Tjentište-Brod na Drini, dužine 11 km, vrijednosti 79.560,00 KM s PDV-om, u ukupnom iznosu 451.620,00 KM s PDV-om, a što bi bez PDV-a iznosilo 420.006,60 KM, zbog čega je ponuda CPK d.o.o. Banja Luka ocijenjena kao neprihvatljiva, te je donijeta Odluku o usvajanju žalbe broj: 01-02.1- 9151 -17/24-IO od 09.01.2025.godine i dodjeli ugovora GP: IPSA d.o.o. Sarajevo i INSTITUT ZA GRAĐEVINARSTVO IG d.o.o. Banja Luka.

Ponuđač CPK d.o.o. Banja Luka zastupan po advokatu Alekša Prole iz Banja Luke u zakonskom roku, izjavljuje žalbu od 23.01.2025.godine, na Odluku o usvajanju žalbe broj: 01-02.1- 9151 -17/24-IO od 09.01.2025.godine i dodjeli ugovora GP: IPSA d.o.o. Sarajevo i INSTITUT ZA GRAĐEVINARSTVO IG d.o.o. Banja Luka, u kojoj osporava neprihvatljivost svoje ponude i navodi da ponuda izabranog ponuđača GP: IPSA d.o.o. Sarajevo i INSTITUT ZA GRAĐEVINARSTVO IG d.o.o. Banja Luka sadrži nedostatke u skladu sa ZJN, te da nije dokazao da ispunjava uslove tehničke i profesionalne sposobnosti ponuđača iz tačke 14. TD. Rješavajući po podnijetoj žalbi CPK d.o.o. Banja Luka, Ured za razmatranje žalbi donijeo je rješenje broj: JN2-03-07-1-187-10/25 od 06.03.2025.godine, kojim se žalba USVAJA, odluka broj: 01-02.1- 9151 -17/24-IO od 09.01.2025.godine poništava se i predmet vraća ugovornom organu na ponovni postupak.

U ponovnom postupku, postupajući u skladu sa stavovima iz rješenja Ureda za razmatranje žalbi, Filijala/Podružnica Mostar broj: JN2-03-07-1-187-10/25 od 06.03.2025.godine, ugovorno tijelo je dopisom broj: 01-02.1-9151-25/24 od 19.03.2025.godine, u skladu sa članom 68. stav (3) Zakona o javnim nabavkama zatražilo, od izabranog ponuđača GP: IPSA INSTITUT d.o.o. Sarajevo i INSTITUT ZA GRAĐEVINARSTVO IG d.o.o. Banja Luka, zatražio pojašnjenje:

- potvrde broj: (2023)1724850-09/03/2023 od 09.03.2023. godine koja je dostavljena na str. 109-113 ponude broj: 3279/24 od 04.11.2024. godine, s obzirom na to da je uz istu potvrdu dostavljena Izjava nositelja grupe o vrijednosti izvršene usluge izrade studije izvodljivosti, na str. 123 ponude i pismeni zahtjev na str. 125 ponude upućen Evropskoj Uniji Delegacija EU u BiH za dopunu dostavljene potvrde.
- pojašnjenje potvrde broj: EVERIT-IG-2024-034 od 03.09.2024. godine koja je dostavljena na str. 127-130 ponude, s obzirom na to da je uz odgovor na žalbu izabrani ponuđač dostavio akt Ministarstva saobraćaja i veza Republike Srpske od 22.01.2025.godine, kao i elektronsku poštu EVERIT d.o.o. Banja Luka, broj: EVERIT-IG-2024-034 od 03.09.2024. godine, od 14.02.2025.godine.

Dana 21.03.2025.godine, GP: IPSA INSTITUT d.o.o. Sarajevo i INSTITUT ZA GRAĐEVINARSTVO IG d.o.o. Banja Luka dostavlja pojašnjenje ponude u predmetnom postupku broj: 810/25 od 21.03.2025.godine, koje je Komisija je u cjelosti prihvatila i uvažila navode datog pojašnjenja.

Napominjemo, da s obzirom na to, da je tač. 14.1. a) TD od ponuđača traženo:

- a) da imaju uspješno iskustvo u realizaciji:
- jednog (1) ugovora na izradi Prethodne studije izvodljivosti/Studije izvodljivosti za izgradnju/rekonstrukciju/rehabilitaciju cesta, vrijednosti veće od 200.000,00 KM bez PDV-a,

te da je potvrda dostavljena na str. 127-130 ponude broj:3279/24 od 04.11.2024. godine, potvrdila ispunjenje traženog uslova iz tačk. 14.1.a) TD, dodatna pojašnjenja navedene potvrde koja su samo potvrdila navode iste, nisu bila neophodna da se ponuda ocjeni kao prihvatljiva. Prednje navedeno potvrđeno je i u rješenju Ureda za razmatranje žalbi, Filijala/Podružnica Mostar broj: JN2-03-07-1-187-10/25 od 06.03.2025.godine (str.27-28): „Kako se u konkretnom slučaju radi o grupi ponuđača za koje važe posebna pravila prilikom dostavljanja dokaza kojim se dokazuju uslovi tehničke i profesionalne sposobnosti ponuđača prema tački 15. TD, ispunjenost uslova potrebno je sagledati u njihovoj sveukupnosti. U tom smislu, dovoljno je da uslov ispuni samo jedan od članova grupe, tako da dostavljanjem dokaza iz člana 48. i 50. ZJN od strane jednog člana grupe ponuđača koji po svim uslovima ispunjava propisane uslove bez oslanjanja na tehničku i profesionalnu sposobnost drugog člana grupe ponuđača, u tom slučaju predmetni uslov je ispunjen.“

U ponovnom postupku, po rješenju Ureda za razmatranje žalbi, Filijala/Podružnica Mostar broj: JN2-03-07-1-187-10/25 od 06.03.2025, komisija je utvrdila da:

- ponuda ponuđača CPK d.o.o. Banja Luka nije prihvatljiva, te je ustanovljeno da je na str. 39 ponude dostavljen Prilog 5a koji u tački 2. sadrži detaljne informacije o dva projekta/ugovora u vrijednostima 372.060,00 KM sa PDV-om i 79.560,00 KM sa PDV-om koji ukupno iznose 451.620,00 KM sa PDV-om, što bi bez PDV-a iznosilo 420.006,60 KM, **zbog čega nije ispunio uslov ekonomske i finansijske sposobnosti iz tačke 13.1. TD-e.**

Komisija je konstatovala da je ponuda drugog ponuđača GP: IPSA d.o.o. Sarajevo i INSTITUT ZA GRAĐEVINARSTVO IG d.o.o. Banja Luka, kompletna, te da zadovoljava kriterije tražene tenderskom dokumentacijom i da je u okviru budžeta.

Pravna pouka:

Protiv ove Odluke može se izjaviti žalba, najkasnije u roku od 10 (deset) dana od dana prijema ove Odluke.

Žalba se izjavljuje Uredu za razmatranje žalbi Bosne i Hercegovine, putem ugovornog organa u pisanoj formi direktno ili preporučenom poštanskom pošiljkom na adresu ugovornog organa. Žalba se podnosi u najmanje 3 (tri) primjerka.

v.d. direktor:



Ljubo Praydić, dipl.ing.građ.

Dostaviti:

- Ponuđačima (sa dostavnicom)